



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Culture and Sports

Broj: 12/04-11-39069-7/24  
Datum: 19.12.2024. godine

Na osnovu člana 69. stav (2) tačka d) i člana 70. st. (1) i (4) Zakona o javnim nabavkama („Službeni glasnik BiH“ br. 39/14, 59/22 i 50/24) i Preporuke Komisije za javne nabavke u postupku javne nabavke kancelarijskog namještaja ministar kulture i sporta Kantona Sarajevo, broj: 12/04-11-39069-6/24 od 16.12.2024. godine donosi

## **O D L U K U**

### **o poništenju konkurentskog postupka javne nabavke kancelarijskog namještaja**

#### **Član 1.** **(Predmet Odluke)**

Prihvata se Preporuka Komisije za javne nabavke robe sadržana u Zapisniku Komisije, broj: 12/04-11-39069-5/24 od 16.12.2024. godine i poništava se postupak predmetne javne nabavke pokrenut Obavještenjem o nabavci, broj: 23091-7-1-17-3-1/24.

#### **Član 2.** **(Obavještenje učesnika u javnoj nabavci)**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama („Službeni glasnik BiH“ br. 39/14, 59/22 i 54/22) (u daljem tekstu: *Zakon*).

#### **Član 3.** **(Stupanje na snagu)**

Ova odluka stupa na snagu danom donošenja.

#### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke, broj: 12/04-11-39069-6/24 od 14.08.2024. godine.

Javna nabavka je provedena putem konkurentskog zahtjeva za dostavu ponuda.

Ukupna procijenjena vrijednost nabavke iznosi 48.500,00 KM bez PDV-a.

Obavještenje o nabavci broj: 23091-7-1-17-3-1/24 je objavljeno na portalu E-nabavke.

Krajnji rok za prijem ponuda bio je 27.11.2024. godine do 11:00 h, a javno otvaranje ponuda je upriličeno isti dan u Multimedijalnoj sali Kantona Sarajevo, ul. Reisa Džemaludina Čauševića 1, sa početkom u 12:00 h.

Komisija za javnu nabavku je ministru kulture dostavila Zapisnik o pregledu i ocjeni ponuda, broj: 12/04-11-39069-6/24 od 16.12.2024. godine i Preporuku Komisije za javne nabavke u postupku javne nabavke kancelarijskog namještaja, broj: 12/04-11-39069-6/24 od 16.12.2024. godine.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispljenih ponuda, o čemu je sačinila odgovarajući zapisnik, u kojem je utvrđeno sljedeće:

- Ukupan broj pristiglih ponuda: 2
- Broj blagovremeno zaprimljenih ponuda: 2
- Broj neblagovremeno zaprimljenih ponuda: 0
- Broj prihvatljivih ponuda: 0
- Broj neprihvatljivih ponuda: 2

Komisija je pristupila analizi dostavljene dokumentacije u smislu provjere validnosti ponude s obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.

**Prikaz prihvatljivosti ponuda prema obliku, sadržaju i potpunosti, iz zapisnika sa otvaranja ponuda – analitička tabela:**

Broj protokola ugovornog organa	Redni broj omotnice ponude	Naziv ponuđača	Omotnica sa ponudom ispravno zatvorena (zapečaćena ili potpisana da/ne)	Ekonomski najpovoljnija ponuda sa potkriterijima: 1. Cijena 2. Rok isporuke
Broj protokola: 12-11-52001 od 27.11.2024.	1	Defter d.o.o. Sarajevo	da	42.246,39 bez PDV-a Rok isporuke 20 kalendarskih dana
Broj protokola: 12-1152015 od 27.11.2024	2	Intercom d.o.o. Zenica	da	41.990,00 bez PDV-a Rok isporuke 10 dana

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da zaprimljenje ponude ponuđača Defter d.o.o. Sarajevo i Intercom d.o.o. Zenica su nepravilne i kao takve neprihvatljive iz sljedećih razloga:

- Ponuda ponuđača Defter d.o.o. Sarajevo ne sadrži certifikat EN 14322, kako je to traženo u Aneksu 2. tehničke specifikacije, Obrazac za cijenu ponude – robe, pod rednim brojevima 16, 17, 19, 20, 21, 22, i 23. (str. 23-27, „u skladu sa EN 14322, isti potrebno dostaviti uz ponudu“). Također, navedeni ponuđač nije dostavio dokaz vezan za predmet nabavke iz Aneksa 2. tehničke specifikacije redni broj 13. (str. br. 23.) „Stolice za konferencijske sale“ kojim se dokazuje da je materijal kojim je stolica presvučena antibakterijski u skladu sa standardom ISO 18184:2019 ili ekvivalent, a kako je to traženo u navedenom obrascu tehničke specifikacije;
- Ponuđač Intercom d.o.o. Zenica nije dostavio certifikat EN 14322 kako je to traženo u Aneksu 2. tehničke specifikacije, Obrazac za cijenu ponude – robe po rednim brojevima 16, 17, 19, 20, 21, 22, i 23. (str. 23-27, „u skladu sa EN 14322, isti potrebno dostaviti uz ponudu“). Umjesto certifikata, navedeni ponuđač je dostavio kopiju Tehničkog lista proizvođača Egger na engleskom jeziku, kao i prevedeni primjerak na bosanskom jeziku ovjeren od strane stalnog sudskog tumača (str. 52 - 59 Ponude). Isto tako, ponuđač Intercom d.o.o. Zenica nije dostavio

dokaz vezan za predmet nabavke iz Aneksa 2. tehničke specifikacije redni broj 13. (str. br. 23.) „Stolice za konferencijske sale“ kojim se dokazuje da je materijal kojim je stolica presvučena antibakterijski u skladu sa standardom ISO 18184:2019 ili ekvivalent kako je to traženo u navedenom obrascu tehničke specifikacije. Umjesto traženog navedeni ponuđač je dostavio Standard ID broj testa: J001538 (str. 61-69 Ponude) ISO 18184:2019 Tekstil - Određivanje antivirusne aktivnosti tekstilnih proizvoda, u kojem je opisana metoda radi određivanja antivirusne aktivnosti tekstilnih proizvoda na određene viruse.

Na osnovu ove dokumentacije Ugovorni organ nije mogao utvrditi da utvrđeni artikli odgovaraju predmetu nabavke.

U skladu sa navedenim, ponude ponuđača Defter d.o.o. Sarajevo i Intercom d.o.o. Zenica odbacuju kao neprihvatljive.

Na osnovu izloženog, Komisija je rukovodiocu ugovornog organa dala preporuku da predmetni postupak poništi u skladu sa članom 69. stav (2) tačka d) Zakona iz razloga što nijedna od primljenih ponuda nije prihvatljiva.

U postupku ocjene provedenog postupka, rukovodilac Ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Uzimajući u obzir sve navedeno u postupku predmetne javne nabavke nesumnjivo je utvrđeno da nijedna od zaprimljenih ponuda nije prihvatljiva, na koji način su se stekli zakonski uslovi za poništavanje postupka javne nabavke, te je u skladu sa članom 69. stav (2) tačka d) odlučeno kao u dispozitivu ove odluke.

**Pouka o pravnom lijeku:** U skladu sa članom 101. Zakona o javnim nabavkama, protiv ove Odluke može se izjaviti žalba ugovornom organu, najkasnije u roku od 5 (pet) dana od dana prijema ove Odluke, na način propisan članom 99. Zakona.



**Dostaviti:**

1. Ponuđačima, 2x;
2. a/a.

